

165.

1395 März 6

Hennel Waldung bekennt eine Schuld und setzt sein Haus als Pfand.

fol. 24r Percunie Petri Kamecz. Wisset daz vor uns komen ist in unsern vollen rat Hennel Waldung und hat bekant, daz er Petern von Kamecz schuldig sy 5 schoc gr, dy er ym gelobt hat, uf dy nechsten phingsten mit gereiten phennigen zu bezalen unvorzoglichen. Vor daz geld hat ym Waldung syne huws zu phande gesaczt hat, daz ym voyt und scepphin zu phande geligen haben. Ab er ym dy phenninge nicht gebe uf phingsten, daz er daz phand daz huws vorkâwfen, sam er daz mit allen rechten ervolgen unde er claychette und ab er an dem huws sich der phennige nicht gar erholen mochte, so sol ym voyt und scepphin vorthelfen zu syn varnde habe, wo man dy ervert und er sol vor aller menelich der erst syn. Actum XCV^{a)} sabbato^{b)} ante reminiscere.

a) folgt durchgestrichen feria b) folgt durchgestrichen post

166.

1395 März 28

Jutte Slemeryn setzt Treuhänder und Erben ein.

fol. 24r Resignacio mulieris Slemeryn. Wisset daz^{a)} vor uns komen ist in unsern vollen rat dy alde Jutte Slemeryn und hat Margarethen, Ullin Wenders husfrauwen, und Ullin Wenders der egnanten Margarethen May ufgelazin zu vormundeschaft^{b)} und zu getruwer hand alle ir erbe und gute. Geschee ouch, daz dy Slemeryn abesturbe so sullen dy egnanten erbe und guter Ullins unde syner wirtin^{c)} eigen syn, aber dy wile aber dy frauwe lebet, so sullen sy der guter nicht enphremden. Gescheen M^o CCC^o XCV dominica^{d)} judica.^{e)}

a) über die Zeile geschrieben b) folgt durchgestrichen alle c) folgt durchgestrichen erbe und czu d) folgt durchgestrichen Judica e) rechts unten am Seitenrand: seiner jucke alda Margarethis [?]

167.

1395 April 24

Nickel Schmied tritt das Erbe seines Vaters ab.

fol. 24v Resignacio filii Conradi Fabri. Wisset daz Nickel, Concz Smydes sun, vor uns komen und hat sich an synes vater erbe und guter, dy vor der stad, dem